

Na osnovu Programa utroška sredstava Ministarstva privrede Bosansko-podrinjskog kantona Goražde i Ugovora o poslovnoj saradnji za plasiranje linije finansiranja uz subvencioniranje dijela profitne marže za privredna društva i obrtnike koji posluju na području Bosansko-podrinjskog kantona Goražde, potpisanog između Vlade Bosansko-podrinjskog Kantona Goražde - Ministarstva privrede i Bosna Bank International d.d. Sarajevo, objavljuje se:

JAVNI POZIV

PRIVREDNIM DRUŠTVIMA I OBRNICIMA ZA PODNOŠENJE ZAHTJEVA ZA ODOBRENJE FINANSIRANJA

1. PREDMET POZIVA

Predmet poziva je prikupljanje zahtjeva za odabir korisnika sredstava finansiranja u skladu sa uslovima javnog poziva za subvencioniranje profitne marže (kamatne stope).

2. PRAVO UČEŠĆA - KORISNICI LINIJE FINANSIRANJA

2.1 Pravo učešća

Korisnici finansiranja mogu biti privredna društva i obrtnici koji:

- su registrovani kao privredna društva shodno odredbama Zakona o privrednim društvima FBiH,
- imaju registraciju i obavljaju registrovanu djelatnost na prostoru Bosansko-podrinjskog kantona Goražde,
- su registrovani minimalno jednu (1) godinu do dana podnošenja aplikacije za finansiranje,
- profitabilno i likvidno posluju i imaju zadovoljavajući bonitet,
- imaju stabilan ili rastući broj zaposlenih,
- izmiruju uredno sve obaveze za poreze i doprinose,
- imaju tekuća kreditna zaduženja u kategoriji A ili B (ukoliko ova kategorija nije rezultat kašnjenja u servisiranju obaveza.)

Korisnici finansiranja mogu biti i javna preduzeća, uz uslov da ispunjavaju ostale kriterije.

Izuzetno, korisnici finansiranja mogu biti privredna društva koja posluju kraće od 1 godine, pod uslovom da su prihvatljiva za Banku.

2.2 Korisnici sredstva ne mogu biti:

- državne i finansijske institucije, udruženja građana i fondacije,
- privredna društva i obrtnici koja imaju blokirane račune, u stečaju su ili likvidaciji,
- koji imaju neizmirene obaveze za javne prihode,
- koja su kažnjavana zbog privrednih prestupa
- privredna društva i obrtnici čija je djelatnost ili namjena sredstava internim aktima BBI označena kao nedopuštena.

3. NAMJENA SREDSTAVA

Linija finansiranja ima za cilj da pruži finansijsku podršku privrednim društvima i obrtnicima koji su nosioci razvoja Kantona za produktivnije poslovanje i rast privrednih aktivnosti. Sredstava iz ove Linije finansiranja trebaju omogućiti pokretanje nove i održavanje postojeće proizvodnje, pružanje usluga, veću iskorištenost kapaciteta, održavanje postojećih radnih mjesta, očuvanje postojećeg broja privrednih subjekata, prevazilaženje negativnih učinaka ekonomske krize, novo zapošljavanje i povećanje izvoza. Finansiranja se mogu koristiti i za otkup/refinansiranje postojećih kreditnih zaduženja koje privredna društva i obrtnici uredno servisiraju, ali su ih dobili po većoj kamatnoj stopi.

Za realizaciju ove Linije finansiranja BBI je obezbjedila sredstva u iznosu od 18.900.000,00 KM, a Bosansko-podrinjski kanton Goražde - Ministarstvo privrede je obezbjedilo sredstva u iznosu od 378.000,00 KM kojim će subvencionirati dio godišnje profitne marže u visini 2 (dva) p.p. (procentna poena) po svakom pojedinačnom finansiranju za sve Korisnike sredstava koji ispoštuju posebne uslove definisane u ovom Javnom pozivu.

Linija finansiranja će se koristiti za kratkoročna finansiranja za obrtna sredstva i dugoročna finansiranja za trajna obrtna sredstva, osnovna sredstva i investicije.

4. KRITERIJI ZA UTVRĐIVANJE ODABIR KORISNIKA LINIJE FINANSIRANJA

Osnovni kriteriji za odabir korisnika linije finansiranja su:

- vrsta djelatnosti,
- broj uposlenih,
- povećanje zaposlenosti,
- namjena utroška sredstava,
- proizvodi i usluge kojima se ostvaruje veća dodana vrijednost,
- orijentisanost ka izvozu i
- formalno-pravno uredna dokumenta za obezbjeđenje finansiranja.

Prilikom odobravanja sredstava primjenjivati će se princip jednakog pristupa korisnika sredstvima, pri čemu će se davati prednost korisnicima sredstava koji su u prethodnim godinama sredstva dobijena od Ministarstva koristili u svrhu predviđenu programima i uredno izmirivali ugovorne obaveze.

5. INFORMACIJE O ROČNOSTI, NAMJENI, IZNOSIMA I VISINI SUBVENCIJE

Odobrovanje kratkoročnih i dugoročnih finansiranja privrednim društvima i obrtnicima Banka će vršiti pod sljedećim uslovima:

- iznosi za **pravna lica** od **50.000,00 do 2.000.000,00 KM**
- iznosi za **obrte** od **10.000,00 do 50.000,00 KM**
- iznosi za novoosnovane privredne subjekte od 10.000 do KM 50.000 KM
- **rok otplate od 12 do 60 mjeseci**
- grejs period do 6 mjeseci
- profitna stopa **3,89% (2,00% subvencija + 1,89% stopa nakon subvencije)**
- troškovi obrade u visini od **0,88%** od iznosa finansiranja, jednokratno unaprijed

Poseban uslov za isplatu subvencije je uredno izmirivanje svih poreskih obaveza i dospjelih obaveza po finansiranjima.

Subvencije se isplaćuju polugodišnje a na bazi prethodno urađenog monitoringa;

6. POTREBNA DOKUMENTACIJA

6.1. Potrebna dokumentacija za apliciranje pravnih lica:

- Zahtjev kojim se definiše namjena, iznos i rok otplate finansiranja,
- Rješenje o upisu u sudski registar sa svima izmjenama i dopunama,
- Aktuelni izvod iz sudskog registra ne stariji od 90 dana,
- Statut i odluka o osnivanju preduzeća,
- Uvjerenje o preskoj registraciji od porezne uprave – ID broj,
- Uvjerenje o registraciji obveznika poreza na dodanu vrijednost – PDV broj,

- Obavještenje nadležnog zavoda za statistiku o razvrstavanju po djelatnostima,
- Uvjerenje nadležne porezne uprave/UIO da nema neizmirenih obaveza po osnovu javnih prihoda,
- Uvjerenje Porezne uprave o izmirenim direktnim porezima ne starije od 30 dana,
- Uvjerenje Uprave za indirektno oporezivanje o izmirenim indirektnim porezima ne starije od 30 dana,
- Obrazac 2001 – Specifikacija uz isplate plaća,
- Kopija lične karte i CIPS za lica ovlaštena za zastupanje,
- Izjava o povezanim licima,
- Saglasnost za provjeru Centalnog registra kredita (CRK),
- Izvještaj eksternog revizora (samo za dioničarska društva),
- Poslovni plan, projektovani bilansi i gotovinski tokovi za period otplate finansiranja,
- Program ili projekat, sažetak projekta po osnovu kojeg se podnosi zahtjev za finansiranje,
- Očekivani efekti u zapošljavanju, shodno biznis planu,
- Bilans stanja i uspjeha za prethodne dvije godine, te preliminarni finansijski pokazatelji za tekući period;
- Dokumentacija za obezbjeđenje finansiranja i instrumenti obezbjeđenja finansiranja (kolateral) koje određuje Banka, u skladu sa svojom poslovnom politikom i ovisi o bonitetu komitenta; i
- **Pod zahtjevu Banke i ostala dokumenta u skladu sa internim aktima Banke**

6.2. Potrebna dokumentacija za apliciranje fizičkih lica (obrnici i samostalne djelatnosti):

- Uredno popunjen i ovjeren zahtjev za finansiranje,
- Rješenje nadležnog općinskog organa za obavljanje djelatnosti,
- Kopija kartona deponovanih potpisa lica ovlaštenih za zastupanje,
- Specifikacija o utvrđivanju dohotka od samostalne djelatnosti za posljednje dvije godine,
- Uvjerenje o poreskoj i PDV registraciji (ukoliko je djelatnost u obavezi),
- Fotokopija LK – vlasnika samostalne djelatnosti,
- Fotokopija CIPS potvrde - vlasnika samostalne djelatnosti,
- Odgovarajući dokument koji dokazuje da vlasnik samostalne djelatnosti ima nekretninu u svom vlasništvu (stan, kuća, zemljište, poslovni prostor),
- Odgovarajući dokument koji dokazuje vlasništvo - može biti ZK izvadak, list nepokretnosti, posjedovni list (samo za ona područja u kojima nisu uspostavljene zemljišne knjige),
- **Pod zahtjevu Banke i ostala dokumenta u skladu sa internim aktima Banke**

6.3. Potrebna dokumentacija za založno pravo:

Potrebna vrijednost založnog prava u odnosu na iznos odobrenog finansiranja utvrđuje se u skladu sa aktima banke i ovisi od visine zahtjeva za finansiranje i sveukupnog boniteta klijenta.

Uobičajene vrste kolaterala koje BBI banka prihvata su:

- Založno pravo na nekretnine,
- Založno pravo na opremu,
- Mjenice firme,
- Lične mjenice vlasnika privrednog društva ili obrta,
- Ugovor o asignaciji,
- Polisa osiguranja vinkulirana u korist BBI,
- Ostalo u dogovoru sa Bankom,

Za ponuđeno obezbjeđenje (zalog pokretne i nepokretne imovine) dostaviti procjenu sudskog vještaka (ne stariji od 6 mjeseci i izvršenu od ovlaštenog sudskog vještaka prihvatljivog za banku), dokument koji dokazuje vlasništvo (ZK izvadak ne stariji od 30 dana) i kopiju katastarskog plana.

7. ROKOVI

Rok za podnošenje zahtjeva za finansiranje prema uslovima javnog poziva počinje teći od dana objavljivanja u sredstvima javnog informisanja i traje do iskorištenja predviđenih fondova.

8. MJESTO I NAČIN PODNOŠENJA ZAHTJEVA

Zahtjevi za finansiranje sa potrebnom dokumentacijom podnose se u zatvorenim kovertama sa naznakom "Zahtjev za finansiranje iz linije Bosansko-podrinjskog kantona Goražde" lično na protokol ili preporučenom poštom, na adresu: **BOSNA BANK INTERNATIONAL, Filijala Goražde, Seada Sofovića Sofe 7, 73100 Goražde ili putem elektronske pošte: linijabpk@bbi.ba**

9. PRIJEM, ODOBROVANJE, MONITORING I OSTVARIVANJE PRAVA NA SUBVENCIJU

Prijem zahtjeva, proces analize, obrade i odobravanja za finansiranje iz sredstava finansijske linije vršiti će se u skladu sa redovnim procedurama BBI banke. Ugovore o finansiranjima sa korisnicima sredstava zaključivati će BOSNA BANK INTERNATIONAL d.d. Sarajevo. Ugovorom će se definisati međusobne obaveze i prava ugovornih strana, te način korištenja finansiranja.

Za sva finansiranja je obavezan monitoring od strane BBI na polugodišnjem nivou, u skladu s Ugovorom. Korisnik sredstava je u obavezi dostaviti BBI svu potrebnu dokumentaciju u svrhu dokaza ispunjenja posebnih uslova iz ugovora i ostvarivanja prava na subvencioniranu profitnu maržu.

Obaveze Korisnika sredstava su da u cilju dokazivanja da ispunjava uslove za ostvarenje prava na subvenciju redovno polugodišnje dostavlja:

- Potvrde o izmirenim obavezama za PDV, poreze i doprinose,
- Obrazac 2001 kao dokaz o zadržavanju ili povećanju broju zaposlenih,
- Te da uredno plaća svoje obaveze po finansiranju.

10. OSTALO

U postupku podnošenja zahtjeva po Javnom pozivu Banka ne snosi nikakve troškove učesnicima, te zadržava pravo da u slučaju opravdanosti zahtjeva u potpunosti odbije. Dostavljena dokumentacija se neće vraćati.

11. INFORMACIJE

Dodatne informacije prije samog podnošenja zahtjeva u toku javnog poziva mogu se dobiti putem telefona: 038 241 491, 033 275-264, 033 275-234; fax: 033 203-122, e-mail: linijabpk@bbi.ba. Kontakt osobe: Ismet Bukva, Haris Hadžić, Aida Agić